

IZJAVA DANA



Mislim da će budžet Republike Srpske ubrzo biti u velikim teškoćama. Od milijardu i 600 miliona, koliko ima budžet, 300 miliona čine krediti MMF-a. To su tuđe pare

Mladen Ivanić,
predsjednik PDP-a

DOBAR **LOŠ** **ZAO**



ZLATKO LAGUMDŽIJA

Predsjednik SDP-a na sesiji Kruga 99 kazao je kako je krajnje vrijeme da se ubrzanim koracima krene ka formiranju Vijeća ministara BiH na jasnim programskim ciljevima. Ti ciljevi podrazumijevaju da BiH 2014. dočeka otpočinjanjem pregovora za ulazak u EU i punopravnim članstvom u NATO-u.

CARLA DEL PONTE



Bivša glavna tužiteljica u intervjuu za Oslobođenje govorila je o poteškoćama na koje je nailazila kako bi pravdi privela odgovorne za ratne zločine, ali i dostignućima Tribunala. Del Ponte zaključuje: sigurna je da će Mladić završiti u Haagu, zahvaljujući EU i političkoj volji Srbije da to učini.



IZVIĐAČI IZ NEMILE

Članovi Odreda izviđača "Safet Ribić" iz Nemile proteklih dana su pošumljavali padine Lisac-planine. Posadili su 7.000 stabljika javora i brijesta, a akcija je organizovana u saradnji s JP Šumsko-privredno društvo Zeničko-dobojskog kantona Zavidovići.

DRINOVCI



Sudijska trojka iz Mostara pretučena je u nedjelju u Drinovicima. Zbog toga je otkazana utakmica između istoimenog kluba i Branitelja u okviru Druge nogometne lige FBiH – Jug. Jedan od napadača na sudije je bivši policajac Jozo Majić, koji je uhapšen poslije incidenta.



VIJEST U BROJU

100

kamenoloma rade bez odobrenja i ugovora o koncesijama u Federaciji BiH.

Serge Brammertz u Predsjedništvu BiH Haagu je važno hapšenje Mladića

Za BiH više nije izazov saradnja s Haškim tribunalom, već saradnja na unutrašnjem planu

Predsjedavajući Predsjedništva BiH Nebojša Radmanović i član Predsjedništva BiH Bakir Izetbegović razgovarali su jučer s glavnim tužiocem Međunarodnog krivičnog suda za ratne zločine za područje bivše Jugoslavije Sergeom Brammertzom. Glavni tužilac Haškog tribunala boravi u Sarajevu u radnoj posjeti u okviru pripreme redovnog polugodišnjeg izvještaja Vijeću sigurnosti UN-a, koji će predstaviti početkom juna u New Yorku, a u kojem će dati novu ocjenu o saradnji zemalja regije sa njegovom kancelarijom.

Na sastanku je razgovarano o radu Međunarodnog krivičnog suda za bivšu Jugoslaviju, naročito o saradnji BiH i Suda. Ovom prilikom članovi Predsjedništva BiH su ocijenili da je saradnja između BiH i Haškog tribunala dobra, te da takva saradnja treba biti nastavljena i u budućnosti. Istakli su da pružaju punu



Članovi Predsjedništva s Brammertzom: Dobra saradnja BiH i Tribunala

podršku radu Tribunala.

Brammertz je potvrdio ocjenu da Haški tribunal ima pozitivnu saradnju sa BiH, te izrazio nadu u nastavak dobre saradnje. U tom kontekstu je kazao da uredi oficira za vezu sa Haškim tribunalom odgovaraju na sve postavljene zahtjeve Tužilaštva, te dodao da za BiH više nije izazov saradnja s Haškim tribunalom,

već saradnja na unutrašnjem planu i sa susjednim zemljama po pitanju rješavanja ratnih zločina. Brammertz je također naglasio da je za Tribunal i dalje od velike važnosti hapšenje Mladića i Hadžića. Sastanku je prisustvovao i Davor Vuletić, savjetnik za vanjsku politiku u kabinetu člana Predsjedništva BiH Željka Komšića.

Konferencija u Sarajevu

Naslijeđe Tribunala

Naslijeđe Haškog tribunala ima historijski značaj za utvrđivanje činjenica, odnosno istine o zločinima koji su

počinjeni na prostoru bivše Jugoslavije, a što je preduvjet za procese jačanja povjerenja i pomirenja, kao i mir i stabilizaciju u regionu, istaknuto je jučer na konferenciji Naslijeđe Međunarodnog krivičnog suda za bivšu Jugoslaviju i društva na prostoru bivše SFRJ. Na skupu, upriličenom u organizaciji Beogradskog centra za ljudska prava i Centra za ljudska prava Univerziteta u Sarajevu, valorizirani su različiti aspekti djelovanja Tribunala u pogledu sankcioniranja ratnih zločina i teških kršenja međunarodnog humanitarnog prava te njegov utjecaj na razvoj općih instituta međunarodnog prava i sudске prakse uopće.



Foto: S. GUBELIĆ

VIJEST U OBJEKTIVU

Foto: Muhamed TUNOVIĆ

Japan u srcu

Projekcijom filma u multipleksu Ekran Zenica "Grozan ja 3D/Despicable me 3D" i performansom "Pronađimo Japan u srcu" završena je šesta manifestacija U susret proljeću, čiji je organizator bio Savez izviđača općine Zenica. Više od 600 učesnika i volonterskog osoblja pokazalo je da djeca i adolescenti Tuzle, Prnjavora, Ljubača, Tešnja, Mostara, Sarajeva, Konjica, Nemile... žele i mogu da dijele projekte i snove na jednostavan način - izviđaštvom.

M. D.

